

## זכריה - פרק יג

- א ביום ההוא יהיה מקור נפתח לבית דויד ולישבי ירושלים לחטאת ולנדה :
- ב והיה ביום ההוא נאם יהוה צבאות אכרית את-שמות העצבים מן-הארץ ולא יזכרו עוד וגם את-הנביאים ואת-רוח הטמאה אעביר מן-הארץ :
- ג והיה כי-ינבא איש עוד ואמרו אליו אביו ואמו ילדיו לא תחיה כי שקר דברת בשם יהוה ודקרהו אביהו ואמו ילדיו בהנבאו :
- ד והיה ביום ההוא יבשו הנביאים איש מחזינו בהנבאתו ולא ילבשו אדרת שער למען פחש :
- ה ואמר לא נביא אנכי איש-עבד אדמה אנכי כי אדם הקנני מנעורי :
- ו ואמר אליו מה המפות האלה ביו ידיך ואמר אשר הכיתי בית מאהבי : פ
- ז חרב עורי על-רעי ועל-גבר עמיתי נאם יהוה צבאות ה' את-הרעה ותפוצין הצאן והשבתי ידי על-הצערים :
- ח והיה בכל-הארץ נאם-יהוה פי-שנים בה יכרתו יגועו והשלשית יותר בה :
- ט והבאתי את-השלשית באש וצרפתים כצוף את-הכסף ובחנתים כבחן את-הזהב הוא יקרא בשמי ואני אענה אתו אמרתי עמי הוא והוא יאמר יהוה אלהי : פ